



文選卷第三十四

梁昭明太子蕭統撰

七上

七發八首

枚叔

楚太子有疾而吳客往問之曰伏聞太子玉體不安亦少間乎太子曰憊謹謝客客因稱曰今時天下安寧四宇和平太子方富於年意者久耽安樂日夜無極邪氣襲逆中若結轆紛屯澹淡噓唏煩醒惕惕怵怵卧不得瞑虛中重聽惡

聞人聲精神越渫百病咸生聰明眩曜悅怒不平久執不廢大命乃傾太子豈有是乎太子曰謹謝客賴君之力時時有之然未至於此也客曰今夫貴人之子必宮居而閨處內有保母外有傅父欲交無所飲食則溫淳甘臙腥醲肥厚衣裳則雜選曼煖燂爍熱暑雖有金石之堅猶將銷鑠而挺解也況其在筋骨之間乎哉故曰縱耳目之欲恣支體之安者傷血脈之和且夫出輿入輦命曰廢痿之機洞房清宮命曰寒熱

之媒皓齒蛾眉命曰伐性之斧其脆肥膿命曰腐腸之藥今太子膚色靡鼻四支委隨筋骨挺解血脈淫濯手足惰窳越女侍前齊姬奉後往來游讌縱恣平曲房隱間之中此甘餐毒藥戲猛獸之爪牙也所從來者至深遠淹滯未久而不廢雖令扁鵲治內巫咸治外尚何及哉今如太子之病者獨宜世之君子博見疆識承間語事變度易意常無離側以爲羽翼淹沈之樂浩唐之心遁佚之志其奚由至哉太子曰諾病已

請事此言客曰今太子之病可無藥石針刺灸
療而已可以要言妙道說而去也不欲聞之乎
太子曰僕願聞之客曰龍門之桐高百尺而無
枝中鬱結之輪菌根扶疏以分離上有千仞之
峰下臨百丈之谿湍流溯波又澹淡之其根半
死半生冬則烈風漂霰飛雪之所激也夏則雷
霆霹靂之所感也朝則鸛黃鴉鳴焉暮則羈
雌迷鳥宿焉獨鵠晨號乎其上鷓鴣哀鳴翔乎
其下於是背秋涉冬使琴摯斫斬以爲琴野蘭

之絲以爲絃孤子之鉤以爲隱九寡之珥以爲
約使師堂操暢伯子牙爲之歌歌曰麥秀漸兮
雉朝飛向虛壑兮背槁槐依絕區兮臨迴溪飛
鳥聞之翕翼而不能去野獸聞之垂耳而不能
行蚊蟻蝼蟻聞之往喙而不能前此亦天下之至
悲也太子能疆起聽之乎太子曰僕病未能也
客曰牻牛之腴菜以筍蒲肥狗之和冒以山膚
楚苗之食安胡之餼搏之不解一啜而散於是
使伊尹煎熬易牙調和熊蹯之臠勺藥之醬薄

着之炙鮮鯉之膾秋黃之蘇白露之茹蘭英之
酒酌以滌口山梁之饗豢豹之胎小飯大歡如
湯沃雪此亦天下之至美也太子能疆起嘗之
乎太子曰僕病未能也

客曰鍾岱之牡齒至之車前似飛鳥後類駉虛
穉麥服處躁中煩外羈堅轡附易路於是伯樂
相其前王良造父爲之御秦缺樓季爲之右此
兩人者馬佚能止之車覆能起之於是使射干
鎡之重等千里之逐此亦天下之至駿也太子

能疆起乘之乎太子曰僕病未能也

客曰旣登景夷之臺南望荆山北望汝海左江
右湖其樂無有於是使博辯之士原本山川極
命草木比物屬事離辭連類浮游覽觀乃下置
酒於虞懷之宮連廊四注臺城層構紛紜玄綠
輦道邪交黃池紆曲溷章白鷺孔鳥鷦鷯鸚鵡
鳩鵲翠鬣紫纓螭龍德牧邕邕群鳴陽魚騰躍奮
翼振鱗淑溲壽蓼蔓草芳苓女桑河柳素葉紫
莖苗松豫章條上造天梧桐并閭極望成林衆

芳芬鬱亂於五風從容猗靡消息陽陰列坐縱
酒蕩樂娛心景春佐酒杜連理音滋味雜陳肴
糝錯該練色娛目流耳於是以乃發激楚之結風
揚鄭衛之皓樂使先施徵舒陽文段干吳娃閭
姬傅予之徒雜裾垂鬋目窈心與榆流波雜杜
若蒙清塵被蘭澤嬾服而御此亦天下之靡麗
皓侈廣博之樂也太子能疆起游乎太子曰僕
病未能也

客曰將爲太子馴騏驥之馬駕飛軫之輿乘壯

駿之乘右夏服之勁箭左烏號之雕弓游涉乎
雲林周馳乎蘭澤弭節乎江潯掩青蘋游清風
陶陽氣蕩春心逐狡獸集輕禽於是極犬馬之
才困野之足窮相御之智巧恐虎豹憎鷙鳥逐
馬鳴鑣魚跨麋角履游麇兔蹈踐麋鹿汗流沫
墜寃伏陵窘無創而死者固足充後乘矣此校
獵之至壯也太子能疆起游乎太子曰僕病未
能也然陽氣見於眉宇之間侵淫而上幾滿大
宅

客見太子有悅色也遂推而進之曰冥火薄天
兵車雷運旌旗偃蹇羽旄肅紛馳騁角遂慕味
爭先徼墨廣博觀望之有圻純粹全犧獻之公
門太子曰善願復聞之

客曰未旣於是榛林深澤煙雲闇莫兕虎並作
毅武孔猛袒裼身薄白刃磴磴矛戟交錯收獲
掌功賞賜金帛掩蘋肆若爲牧人席旨酒嘉肴
羞魚膾炙以御賓客涌觸並起動心驚耳誠必
不悔決絕以諾貞信之色形于金石高歌陳唱

萬歲無斃此真太子之所喜也能疆起而游乎
太子曰僕甚願從直恐爲諸大夫累耳然而有
起色矣

客曰將以八月之望與諸侯遠方交游凡第並
往觀濤乎廣陵之曲江至則未見濤之形也徒
觀水力之所到則卹然足以駭矣觀其所駕軼
者所擢拔者所揚汨者所温汾者所滌汙者雖
有心略辭給固未能縷形其所由然也况兮忽
兮聊兮慄兮漉汨汨兮忽兮慌兮傲兮儻兮浩

潢漾兮慌曠曠兮秉意乎南山通望乎東海虹
洞兮蒼天極慮乎崖涖流攬無窮歸神日毋汨
乘流而下降兮或不知其所止或紛紜其流折
兮忽繆往而不來臨朱汜而遠逝兮中虛煩而
益怠莫離散而發曙兮內存心而自持在是澡
槩胸中灑練五藏澹滅手足頽濯髮齒掄弃恬
怠輸寫渙濁分決狐疑發皇耳目當是之時雖
有淹病滯疾猶將伸偃起甦發瞽披聾而觀望
之也況直耿小煩蕙腥膿病酒之徒哉故曰發

蒙解惑不足以言也太子曰善然則濤何氣哉
客曰不記也然聞於師曰似神而非者三疾雷
聞百里江水逆流海水上海山出內雲日夜不
止衍溢漂疾波涌而濤起其始起也洪淋淋焉
若白鷺之下翔其少進也浩浩澢澢如素車白
馬帷蓋之張其波涌而雲亂擾擾焉如三軍之
騰裝其旁作而奔起也飄飄焉如輕車之勒兵
六駕蛟龍附從太白純馳浩蜺前後駱驛顛顛
印印楛楛疆疆莘莘將將壁壘重堅沓雜似軍

行弔隱匈磕軋盤涌齋不可當觀其兩傍則滂
渤拂鬱闇漠感突上擊下律有似勇壯之卒突
怒而無畏蹈壁衝津窮曲隨隈踰岸出追遇者
死當者壞初發乎或圍之津涯芟軼谷分廻翔
青箴銜枚檀栢弭節伍子之山通厲骨母之場
凌赤岸篲扶桑橫奔似雷行誠奮厥武如振如
怒沌沌渾渾狀如奔馬混混庀庀聲如雷鼓發
怒崖沓清升踰跣侯波奮振合戰在藉藉之口
鳥不及飛魚不及廻獸不及走紛紛翼翼波涌

雲亂蕩取南山背蛟手北岸覆虧丘陵平夷西畔
險險戲戲崩壞陂池決勝乃罷澌汨潏潏披揚
流灑橫暴之極魚鼈失勢顛倒偃側沈沈潏潏
蒲伏連延神物怪疑不可勝言直使人踣馬洄
闇悽愴焉此天下怪異詭觀也太子能疆起觀
之乎太子曰僕病未能也

客曰將爲太子奏方術之士有資略者若莊周
魏牟楊朱墨翟便蚘詹何之倫使之論天下之
精微理萬物之是非孔老覽觀孟子籌之萬不

失一此亦天下要言妙道也太子豈欲聞之乎
於是太子據几而起曰渙乎若一聽聖人辯士
之言恂然汗出霍然病已

七啓八首

曹子建

昔枚乘作七發傅毅作七激張衡作七辯崔駰
作七依辭各美麗余有慕之焉遂作七啓并命
王粲作焉

玄微子隱居大荒之庭飛遯離俗澄神定靈輕
祿傲貴與物無營耽虛好靜羨此末生獨馳思

乎天雲之際無物象而能傾柱是鏡機子聞而
將往說焉駕超野之駟乘追風之輿經迥漠出
幽墟入乎泱泱之野遂屆玄微子之所居其居
也左激水右高岑背洞溪對芳林冠皮弁被文
裘出山岫之潛穴倚峻崖而嬉游志飄飄焉峣
峣焉似若狹六合而隘九州若將飛而未逝若
舉翼而中番柱是鏡機子攀蒼藟而登距巖而
立順風而稱曰予聞君子不遯俗而遺名智士
不肯世而滅勳今吾子弃道藝乏華遺仁義之

英耗精神乎虛廓廢人事之紀經譬若畫形於
無象造響於無聲未之思乎何所規之不通也
玄微子俯而應之曰嘻有是言乎夫太極之初
渾沌未分萬物紛錯與道俱隆蓋有形必朽有
跡必窮茫茫元氣誰知其終名穢我身位累我
躬竊慕古人之所志仰老莊之遺風假靈龜以
託喻寧掉尾於塗中

鏡機子曰夫辯言之醜能使窮澤生流枯木發
榮庶感靈而激神況近在乎人情僕將爲吾子
說游觀之至娛演聲色之妖靡論變化之至妙
敷道德之弘麗願聞之乎玄微子曰吾子整身
倦世採隱拯沉不遠遐路幸見光臨將敬滌耳
以聽玉音

鏡機子曰芳菰精稗霜蓄露葵玄熊素膚肥豢
膿肌蟬翼之割割纖析微累如疊穀離若散雪
輕隨風飛刃不轉切山鷄斥鴳珠翠之珍寒芳
苓之巢龜膾西海之飛鱗臙江東之潛鼉騁漢
南之鳴鶉糝以芳酸甘和既醇玄宜適鹹蓐收

調辛紫蘭丹椒施和必節滋味既殊遺芳射越
乃有春清縹酒康狄所營應化則變感氣而成
彈徵則苦發叩宮則甘生於是盛以翠樽酌以
彫觴浮蟻鼎沸酷烈馨香可以和神可以娛腸
此肴饌之妙也子能從我而食之乎玄微子曰
予其藜藿未暇此食也

鏡機子曰步光之劔華藻繁縟飾以文犀彫以
翠綠綴以驪龍之珠錯以荆山之玉陸斷犀象
未足稱雋隨波截鴻水不漸及九旒之冕散耀

垂文華組之纓從風紛紜佩則結綠懸黎寶之
妙微符采照爛流景揚輝黼黻之服紗縠之裳
金華之鳥動趾遺光繁飾參差微鮮若霜緝佩
綢繆或彫或錯薰以幽若流芳肆布雍容閑步
周旋馳耀南威爲之解顏西施爲之巧笑此容
飾之妙也子能從我而服之乎玄微子曰予好
毛褐未暇此服也

鏡機子曰馳騁足用蕩思游獵可以娛情僕將
爲吾子駕雲龍之飛駟飾玉輅之繁纓垂宛虹

之長綏抗招搖之華旂捷忘歸之矢秉繁弱之
弓忽躡景而輕驚逸奔驥而超遺風於是礮填
谷塞榛藪平夷緣山置罝彌野張罟下無滿跡
上無逸飛鳥集獸屯然後會圍獠徒雲布武騎
霧散丹旗曜野戈爰皓旰文狐掩狡兔捎鷗
鷄拂振鷺當軌見藉值足遇踐飛軒電逝獸隨
輪轉翼不暇張足不及騰動觸飛鋒舉挂輕罾
搜林索險探薄窮阻騰山赴壑風厲焮舉機不
虛發中必飲羽於是人稠網密地逼勢脅哮闕

之獸張牙奮鬣志在觸突猛氣不惜乃使北宮
東郭之疇生抽豹尾分裂徂徠有形不抗手骨不
隱拳批熊碎掌拉虎摧斑野無毛類林無羽群
積獸如陵飛翮成雲於是駭鍾鳴鼓收旌弛旆
頓網縱網罷獠迴邁駿駉齊驤揚鑿飛沫俯倚
金較仰撫翠蓋雍容暇豫娛志方外此羽獵之
妙也子能從我而觀之乎玄微子曰余樂恬靜
未暇此觀也

鏡機子曰闕宮顯敞雲屋皓旰崇景山之高基

迎清風而立觀彤軒紫柱文棖華梁綺井含葩
金墀玉箱溫房則冬服絺絺清室則中夏含霜
華閣綠雲飛陞陵虛頰眺流星仰觀八隅升龍
攀而不逮眇天際而高居繁巧神怪變名異形
班輸無所措其斧斤離婁爲之失晴麗草交植
殊品詭類綠葉朱榮熙天曜日素水盈沼叢木
成林飛翮陵高鱗甲隱深在是逍遙暇豫忽若
忘歸乃使任子垂釣魏氏發機芳餌沈水輕繳
弋飛落翳雲之翔鳥援九淵之靈龜然後采菱

華搆水蘋弄珠蚌戲鮫人諷漢廣之所詠覲游
女柱水濱耀神景柱中泚被輕縠之織羅遺芳
烈而靖步抗皓手而清歌歌曰望雲際兮有好
仇天路長兮往無由佩蘭蕙兮爲誰脩宴婉絕
兮我心愁此宮館之妙也子能從我而居之乎
玄微子曰予耽巖穴未暇此居也

鏡機子曰旣游觀中原逍遙閑宮情放志蕩淫
樂未終亦將有才人妙妓遺世越俗揚北里之
流聲紹陽阿之妙曲爾乃御文軒臨洞庭琴瑟

交揮左篴右笙鍾鼓俱振簫管齊鳴然後姣人
乃被文縠之華袿振輕綺之飄颻戴金搖之熠
燿揚翠羽之雙翹揮流芳耀飛文歷盤鼓煥續
紛長裾隨風悲歌入雲躡捷若飛蹈虛遠躡凌
躍超驤蜿蟬揮霍翔爾鴻翥泯然鳧沒縱輕體
以迅赴景追形而不逮飛聲激塵依違厲響才
捷若神形難爲象於是爲歡未溘白日西頽散
樂變節微步中閨玄眉弛兮鈿華落收亂髮兮
拂蘭澤形媚服兮揚幽若紅顏宜笑睇眄流光

時與吾子携手同行踐飛除即閑房華燭爛幄
幙張動朱脣發清商揚羅袂振華裳九秋之夕
爲歡未央此聲色之妙也子能從我而游之乎
玄微子曰予願清虛未暇此游也

鏡機子曰予聞君子樂奮節以顯義烈士甘危
軀以成仁是以雄俊之徒交黨結倫重氣輕命
感分遺身故田光伏劒於北燕公叔畢命於西
秦果毅輕斷虎步谷風威懼萬乘華夏稱雄辭
未及終而玄微子曰善

鏡機子曰此乃游俠之徒耳未足稱妙也若夫
田文無忌之儔乃上古之俊公子也皆飛仁揚
義騰躍道藝游心無方抗志雲際凌轢諸侯驅
馳當世揮袂則九野生風慷慨則氣成虹蜺吾
子若當此之時能從我而友之乎玄微子曰予
亮願焉然方在大道有累如何

鏡機子曰世有聖宰翼帝霸世同量乾坤等曜
日月玄化參神與靈合契惠澤播於黎苗威靈
震乎無外超隆平於殷周踵羲皇而齊泰顯朝

惟清王道遐均民望如草我澤如春河濱無洗
耳之士喬岳無巢居之民是以俊人來仕觀國
之光舉不遺才進各異方讚典禮於辟雍講文
德於明堂正流俗之華說綜孔氏之舊章散樂
移風國富民康神應休臻屢獲嘉祥故甘露紛
而晨降景星宵而舒光觀游龍於神淵聆鳴鳳
於高岡此霸道之至隆而雍熙之盛際然主上
猶以沈恩之未廣懼聲教之未厲采英奇於仄
陋宣皇明於巖穴此甯子商歌之秋而呂望所

Blank columns for text on the right page.

文選卷第三十五

梁昭明太子蕭統撰

七下

七命八首

張景陽

冲漠公子含華隱曜嘉遯龍盤翫世高蹈游心
於浩然玩志乎衆妙絕景乎大荒之遐阻吞響
乎幽山之窮奧於是徇華大夫聞而造焉乃勅
雲輅驟飛黃越奔沙輾流霜陵扶搖之風躡堅
冰之津旌拂霄垓軌出蒼垠天清冷而無霞野

曠朗而無塵臨重岫而攬轡顧石室而廻輪遂
適沖漠之所居其居也崢嶸幽謁蕭瑟虛玄溟
海渾濩洞其後嶰谷岬嶠張其前尋竹竦莖蔭
其壑百籟群鳴聾其山衝飈發而迴日飛礫起
而麗天柱是登絕巘溯長風陳辯惑之辭命公
子於巖中曰盍聞聖人不卷道而背時智士不
遺身而匿跡生必耀華名於玉牒歿則勒洪伐
於金冊今公子遺世陸沈避地獨竄有生之歡
滅資父之義廢愁洽百年苦溢千歲何異促鱗

之游汀瀆短羽之棲翳薈今將榮子以天人之
天寶悅子以縱性之至娛窮地而游中天而居
傾四海之歡殫九州之腴鑽屈轍之瓠解䟽屬
之拘子欲之乎公子曰大夫不遺來萃荒外雖
在不敏敬聽嘉話大夫曰寒山之桐出自太冥
含黃鐘以吐榦據蒼岑而孤生既乃瓊巘嶒峻
金岸岬嶸左當風谷右臨雲谿上無陵虛之巢
下無跖實之蹊搖剛峻挺茗邈茗峴晞三春之
溢露溯九秋之鳴飈雲雪寫其根霏霜封其條

木旣繁而後綠草未素而先凋在是構雲梯陟
崢嶸翦蕤賓之陽柯剖大呂之陰莖營匠斲其
樸伶倫均其聲器舉樂奏促調高張音朗號鐘
韻清統梁追逸響在八風采奇律在歸昌啓中
黃之少宮發葶收之變商若乃龍火西積暄氣
初收飛霜迎節高風送秋羈旅懷土之徒流宕
百罹之疇撫促柱則酸鼻揮危絃則流涕若乃
追清哇赴嚴節奏綠水吐白雪激楚迴流風結
悲蕤英之朝落悼望舒之夕缺乳鼈爲之擗標

孀老爲之嗚咽王子拂纓而傾耳六馬噓天而
仰秣此蓋音曲之至妙子豈能從我而聽之乎
公子曰余病未能也大夫曰闈宮秘宇彫堂綺
櫳雲屏爛汗瓊壁青葱應門八襲旋臺九重表
以百常之闕園以萬雉之墉爾乃峽榭迎風秀
出中天翠觀岑青彫閣霞連長翼臨雲飛陞陵
山望玉繩而結極承倒景而開軒蘋素炳煥粉
拱槎峨陰虬負檐陽馬承阿錯以瑤英鏤以金
華方䟽含秀圓莽吐葩重殿疊起交綺對楹幽

堂畫密明室夜朗焦螟飛而生風尺蠖動而成
響若乃目厭常玩體倦帷幄攜公子而雙游時
娛觀於林麓登翠阜臨丹谷華草錦繁飛采星
燭陽葉春青陰條秋綠華實代新承意恣歡仰
折神葩俯采朝蘭溯惠風於蘅薄眷椒塗於瑤
壇爾乃浮三翼戲中沚潛鯁駭驚翰起沈絲結
飛矰理挂歸翮於赤霄之表出華鱗於紫淵之
裏然後縱棹隨風弭楫乘波吹孤竹拊雲和淵
客唱淮南之曲榜人奏采陵之歌歌曰乘鳧舟

兮爲水嬉臨芳洲兮拔雲芝樂以忘戚游以卒
時窮夜爲日畢歲爲期此蓋宴居之浩麗子豈
能從我而處之乎公子曰余病未能也大夫曰
若乃白商素節月旣授衣天凝地閉風厲霜飛
柔條夕勁密葉晨稀將因氣以效殺臨金郊而
講師爾乃列輕武整戎剛建雲髦啓雄芒駕紅
陽之飛鷲駢唐公之驪駟屯羽隊於外林縱輕
翼於中荒爾乃布飛羅張脩毘陵黃岑挂青巒
畫長壑以爲限帶流谿以爲關旣乃內無䟽蹊

外無漏跡叩鈺數校舉麾旌獲殼金機馳鳴鏑
翦剛豪落勁鬪車騎競驚駢武齊輒翁忽揮霍
雲迴風列聲動響飛形移景發舉戈林竦揮鋒
電滅仰傾雲巢俯殫地穴乃有圓文之玃斑題
之縱鼓鬣風生怒目電睽口齧霜刃足撥飛鋒
甍林蹶石扣跂幽叢於是飛黃奮銳賁石逞伎
蹙封豨償馮豕拉麒麟挫獬廌句爪摧鋸牙捍
瀾漫狼藉傾榛倒壑殞齒挂山僵踣掩澤藪爲
毛林隰爲丹薄於是撤圍頓罔卷旆收鳶虞人

數獸林衡計鮮論最犒勤息馬韜弦肴駟連鑣
酒駕方軒千鍾電酌萬燧星繁陵阜霑流膏谿
谷厭芳煙歡極樂殫迴節而旋此亦田游之壯
觀子豈能從我而爲之乎公子曰余病未能也
大夫曰楚之陽劔歐冶所營耶谿之鋌赤山之
精銷踰羊頭鑊越鍛成乃鍊乃鑠萬辟千灌豐
隆奮椎飛廉扇炭神器化成陽文陰縵流綺星
連浮彩豔發光如散電質如耀靈霜鍔水凝冰
刃露潔形冠豪曹名珍巨闕指鄭則三軍白首

麾晉則千里流血豈徒水截蛟鴻陸灑奔駟斷
浮翮以爲工絕重甲而稱利云爾而已哉若其
靈寶則舒辟無方奇鋒異模形震薛燭光駭風
胡價兼三鄉聲貴二都或馳名傾秦或夜飛去
吳是以功冠萬載威曜無窮揮之者無前擁之
者身雄可以從服九國橫制八戎爪牙景附函
夏承風此蓋希世之神兵子豈能從我而服之
乎公子曰余病未能也大夫曰天驥之駿逸態
超越稟氣靈淵受精皎月眸矚黑照玄采緝發

沫如揮紅汗如振血秦青不能識其衆尺方堙
不能覩其若滅爾乃巾雲軒踐朝霧赴春衢整
秋御蚪躡螭騰麟超龍翥望山載奔視林載赴
氣盛怒發星飛電駭志陵九州勢越四海影不
及形塵不暇起浮箭未移再踐千里爾乃踰天
垠越地隔過汗漫之所不游躡章亥之所未跡
陽鳥爲之頓羽夸父爲之投策斯蓋天下之雋
乘子豈從我而御之乎公子曰余病未能也大
夫曰大梁之黍瓊山之禾唐稷播其根農帝嘗

其華爾乃六禽殊珍四膳異肴窮海之錯極陸
之毛伊公爨鼎庖子揮刀味重九沸和兼勺藥
晨鳧露鵠霜鷄黃雀園按星亂方丈華錯封熊
之躡翰音之跖鷓鴣猩脣髦殘象白靈淵之龜
萊黃之鮎舟穴之鷓玄豹之胎燂以秋橙酷以
春梅接以商王之箸承以帝辛之杯范公之鱗
出自九溪蘋尾丹鰓紫翼青鬢爾乃命支離飛
霜鍰紅肌綺散素膚雪落婁子之豪不能厠其
細秋蟬之翼不足擬其薄繁肴既闕亦有寒羞

商山之果漢臯之揆析龍眼之房剖椰子之殼
芳旨萬選承意代奏乃有荆南烏程豫北竹葉
浮蟻星沸飛華滂接玄石掌其味儀氏遺其法
傾壘一朝可以流酒千日單醪投川可使三軍
告捷斯人神之所歆美觀聽之煇擘也子豈能
疆起而御之乎公予曰吮口爽之饌肆腊毒之
味服腐腸之藥御亡國之器雖于大夫之所榮
故亦吾人之所畏余病未能也大夫曰蓋有晉
之融皇風也金華啓徵大人有作繼明代照配

天光宅其基德也隆於姬公之處岐其垂仁也
富乎有殷之在亳南箕之風不能暢其化離畢
之雲無以豐其澤皇道煥炳帝載緝熙導氣以
樂宣德以語教清於雲官之世治穆乎鳥紀之
時王猷四塞函夏謚寧丹冥投烽青徼釋警却
馬於糞車之轅銘德於昆吳之鼎群萌反素時
文載郁耕父推畔魚豎讓陸樵夫耻危冠之飾
輿臺笑短後之服六合時邕巍巍蕩蕩玄齟巷
歌黃髮擊壤解羲皇之繩錯陶唐之象若乃華

裔之夷流荒之貊語不傳於輶軒地不被乎正
朔莫不駿奔稽顙委質重譯于時昆歧感惠無
思不擾苑戲九尾之禽囿棲三足之鳥鳴鳳在
林夥於黃帝之園有龍游淵盈於孔甲之沼萬
物烟熅天地交泰義懷靡內化感無外林無被
褐山無常帶皆象刻於百工兆發乎靈蔡措紳
濟濟軒冕藹藹功與造化爭流德與二儀比大
言未終公子蹶然而興曰鄙夫固陋守此狂狷
蓋理有毀之而爭寶之訟解言有怒之而齊王

之疾痊向子誘我以聾耳之樂棲我以葑家之
屋田游馳蕩利刃駿足既老氏之攸戒非吾人
之所欲故靡得而應子至聞皇風載豳時聖道
淳舉實爲秋摘藻爲春下有可封之民上有大
哉之君余雖不敏請尋後塵

詔

漢武帝

詔曰蓋有非常之功必待非常之人故馬或奔
蹏而致千里士或有負俗之累而立功名夫泛
駕之馬跡池之士亦在御之而已其令州縣察

吏民有茂才異等可爲將相及使絕國者

賢良詔

漢武帝

朕聞昔在唐虞畫象而民不犯日月所燭莫不
率俾周之成康刑錯不用德及鳥獸教通四海
海外肅慎北發渠搜氏羌來服星辰不孛日月
不蝕山陵不崩川谷不塞麟鳳在郊藪河洛出
圖書烏虜何施而臻此乎今朕獲奉宗廟夙興
以求夜寐以思若涉淵水未知所濟猗歟備歟
何行而可以彰先帝之洪業休德上參堯舜下

配三王朕之不敏不能遠德此子太夫之所覩
聞也賢良明於古今王事之體受策察問咸以
書對著之于篇朕親覽焉

冊

冊魏公九錫文

潘元茂

制詔使持節丞相領冀州牧武平侯朕以不德
少遭閔凶越在西土遷於唐衛當此之時若綴
旒然宗廟乏祀社稷無位群凶覬覦連帶城邑
一人尺土朕無獲焉即我高祖之命將墜于地

朕用夙興假寐震悼于厥心曰惟祖惟父股肱
先正其孰恤朕躬乃誘天衷誕育丞相保乂我
皇家弘濟于艱難朕實賴之今將授君典禮其
敬聽朕命昔者董卓初興國難群后釋位以謀
王室君則攝進首啓戎行此君之忠於本朝也
後及黃巾反易天常侵我三州延於平民君又
討之翦除其跡以寧東夏此又君之功也韓暹
楊奉專用威命又賴君勲尅黜其難遂建許都
造其京畿設官兆祀不失舊物天地鬼神於是

獲又此又君之功也袁術僭逆肆於淮南攝憚君靈用丕顯謀斬陽之役橋蕤授首稜威南厲術以殞潰此又君之功也廻戈東指呂布就戮乘軒將返張揚沮斃眭固伏罪張繡稽伏此又君之功也袁紹逆常謀危社稷憑恃其衆稱兵內侮當此之時王師寡弱天下寒心莫有固志君執大節精貫白日奮其武怒運諸神策致屈官度大殲醜類俾我國家拯於危墜此又君之功也濟師洪河拓定四州袁譚高幹咸梟其首

海盜奔迸黑山順軌此又君之功也烏丸三種崇亂二世袁尚因之逼據塞北東馬懸車一征而滅此又君之功也劉表背誕不供貢職王師首路威風先逝百城八郡交臂屈膝此又君之功也馬超成宜同惡相濟濱據河潼求所逞欲殄之渭南獻馘萬計遂定邊城撫和戎狄此又君之功也鮮卑丁令重譯而至單于白屋請吏帥職此又君之功也君有定天下之功重以明德班叙海內宣美風俗旁施勤教恤慎刑獄吏

無竒政民不回慝敦崇帝族援繼絕世舊德前
功罔不咸秩雖伊尹格于皇天周公光於四海
方知蔑如也朕聞先王並建明德胙之以土分
之以民崇其寵章備其禮物所以蕃衛王室左
右厥世也其在周成管蔡不靖懲難念功乃使
邵康公錫齊太公履東至於海西至於河南至
於穆陵北至於無棣五侯九伯實得征之世祚
太師以表東海爰及襄王亦有楚人不供王職
又命晉文登爲侯伯錫以二輅虎賁鈇鉞秬鬯

予矢大啓南陽世作盟主故周室之不壞繫二
國之是賴今君稱丕顯德明保朕躬奉答天命
導揚弘烈緩爰九域罔不率俾功高乎伊周而
賞卑乎齊晉朕甚憮焉朕以眇身託於兆民之
上求思厥艱若涉淵水非君攸濟朕無任焉今
以冀州之河東河內魏郡趙國中山鉅鹿常山
安平甘陵平原凡十郡封君爲魏公使使持節
御史大夫慮授君印綬冊書金虎符第一至第
五竹使符第一至第十右錫君玄土莖以白茅

爰契爾龜用建冢杜昔在周室畢公毛公入爲
卿佐周邵師保出爲二伯外內之任君實宜之
其以丞相領冀州牧如故今更下傳璽肅將朕
命以允華夏其上故傳武平侯印綬今又加君
九錫其敬聽後命以君經緯禮律爲民軌儀使
安職業無或逸志是用錫君大輅戎輅各一玄
牡二駟君勸分務本畜民昏作粟帛滯積大業
惟興是用錫君衮冕之服赤舄副焉君敦尚謙
讓俾民興行少長有禮上下咸和是用錫君軒

懸之樂六佾之舞君翼宣風化爰發四方遠人
回面華夏克實是用錫君朱戶以居君研其明
哲思帝所難官才任賢群善必舉是用錫君納
陛以登君秉國之均正色處中纖毫之惡靡不
抑退是用錫君虎賁之士三百人君糾虔天刑
章厥有罪犯關干紀莫不誅殛是用錫君鈇鉞
各一君龍驤虎視旁眺八維掩討逆節折衝四
海是用錫君彤弓一彤矢百旅弓十旅矢千君
以溫恭爲基孝友爲德明允篤誠感乎朕思是

用錫君秬鬯一卣珪瓚副焉魏國置丞相以下
群卿百僚皆如漢初諸王之制君往欽哉敬服
朕命簡恤爾衆時亮庶功用終爾顯德對揚我
高祖之休命

文選卷第三十五終

音釋

擗音各

呬音勞

樂音力

諧音諧

榜音補

縑音縑

縑音縑

從音宗

聯音聯

光也

鼻音鼻

虎音虎

肉音肉

雙音雙

雙音雙

雙音雙

雙音雙

雙音雙

雙音雙

跡音跡

跡音跡

跡音跡

跡音跡

跡音跡

跡音跡

跡音跡

跡音跡

跡音跡

跡音跡

文選卷第三十六

梁昭明太子蕭統撰

令

宣德皇后令

任彥升

宣德皇后敬問具位夫功在不賞故庸勲之典
蓋闕施侔造物則謝德之途已寡要不得不疆
為之名使荃宰有寄公實天生德齊聖廣淵不
改參辰而九星仰止不易日月而三儀貞觀在
昔晦明隱鱗戢翼博通群籍而讓齒乎一卷之

師劔氣陵雲而屈迹在萬夫之下辯析天口而似不能言文擅雕龍而成輒削藁爰在弱冠首應弓旌客游梁朝則聲華籍甚薦名宰府則延譽自高隆昌季年勤王始著建武惟新締構斯在功隆賞薄嘉庸莫疇一馬之田介山之志愈厲六百之秩大樹之號斯存及擁旌司部代馬不敢南牧推轂樊鄧胡塵罕嘗夕起惟彼狡童窮凶極虐衣冠泯絕禮樂崩喪既而鞠旅誓衆言謀王室白羽一麾黃鳥底定甲旣鱗下車亦

瓦裂致天之屈拱揖辟后豈功厚利無得而稱是以祥光總至休氣四塞五老游河飛星入昴元功茂勲若斯之盛而地狹乎四履勢卑乎九伯帝有恧焉輜軒萃止今遣某位某甲等率茲百辟人致其誠庶匪席之旨不遠而復

教

爲宋公脩張良廟教

傳季友

綱紀夫盛德不泯義存祀典徵管之歎撫事彌深張子房道亞黃中照隣殆庶風雲玄感蔚爲

帝師夷項定漢大拯橫流固已參軌伊望冠德
如仁若乃神交圯上道契商洛顯默之際宵然
難究淵流浩漾莫測其端矣塗次舊沛佇駕晉
城靈廟荒頓遺像陳昧無跡懷人永歎寔深過
大梁者或佇想於夷門游九原者亦流連於隨
會擬之若人亦足以云可改構棟宇脩飾丹青
蘋繁行潦以時致薦抒懷古之情存不刊之烈
主者施行

爲宋公脩楚元王墓教

傅季友

綱紀夫褒賢崇德千載彌光尊本敬始義隆自
遠楚元王積仁基德啓蕃斯境素風道業作範
後昆本支之祚實隆鄙宗遺芳餘烈奮乎百世
而丘封翳然墳塋莫翦感遠存往慨然永懷夫
愛人懷樹甘棠且猶勿翦追甄墟墓信陵尚或
不泯況瓜瓞所興開源自本者乎可蠲復近墓
五家長給灑掃便可施行

文

永明九年策秀才文五首

王元長

問秀才高第明經朕聞神靈文思之君聰明聖德之后體道而不居見善如不及是以崆峒有順風之請華封致乘雲之拜或揚旌求士或設殽待賢用能敷化一時餘烈千古朕寅奉天命恭惟水圖審聽高居載懷祇懼雖言事必史而象闕未箴寤寐嘉猷延佇忠實子大夫選名升學利用賓王懋陳三道之要以光四科之首鹽梅之和屬有望焉又問昔周宣惰千畝之禮號

公納諫漢文缺三推之義賈生直言良以食惟民天農爲政本金湯非粟而不守水旱有待而無遷朕式照前經寶茲稼穡祥正而青旗肅事土膏而朱紘戒典將使杏花萋葉耕穫不愆清剛冷風述遵無廢而釋耒佩牛相洽莫反兼貧擅富浸以爲俗若爰井開制懼驚擾愚民烏鹵可腴恐時無史白興廢之術久陳厥謀又問議獄緩死人易深規敬法卹刑虞書茂典自氓俗澆弛法令滋彰肺石少不寬之民棘林多夜哭

之鬼朕所以明發動容具食與慮傷秋荼之密
網惻夏日之嚴威永念畫冠緬追刑厝徒以百
緩輕科反行李葉四支重罰爰創前古訪游禽
於絕澗作霸秦基歌雞鳴於闕下稱仁漢牘二
途如爽卽用兼通昌言所安朕將親覽又問聚
人曰財次政曰貨泉流表其不匱懋遷通其有
無旣龜貝積寢緝繯專用世代茲多銷漏參倍
下貧無兼辰之業中產闕游歲之貲惟瘼卹隱
無捨矜歎上帝溥臨賜朕休寶卽斜之谷開而

出銅且有後命事茲鎔範充都內之金紹圓府
之職但赤仄深巧學之患榆莢難輕重之權開
塞所宜悉心以對又問治歷明時昭遷革之運
改憲勅法審刑德之原分命顯於唐官文條炳
於鄒說及嶠夷廢職昧谷虧方漢秉素祗之徵
魏稱黃星之驗紛諍空軫疑論無歸朕獲纂洪
基思弘至道庶令日月休徵風雨玉燭克明之
旨弗遠欽若之義復還於子大夫何如哉其驪
翰改色寅丑殊建別白書之

永明十一年策秀才文五首

王元長

問秀才朕秉錄御天握樞臨極五辰空撫九序
未歌至於思政明臺訪道宣室若墜之惻每勤
如傷之念恒軫故恤貧緩賦省徭慎獄幸四境
無虞三秋式稔而多黍多稌不興兩穗之謠無
褐無衣必盈七月之歎豈布政未優將罷民難
業登爾於朝是屬宏議罔弗同心以匡厥辟又
問惟王建國惟典命官上斗星象下符川嶽必

待天爵具脩人紀咸事然後公才授職揆務分
司是以五正置於朱宣下民不忒九工開於黃
序庶績其凝周官三百漢位兼倍歷茲以降游
惰寔繁若閑冗早弃則橫議無已冕笏不澄則
坐談彌積何則可脩善詳其對又問昔者賢牧
分陝良守共洽下邑必樹其風一鄉可以爲績
至有旦撫鳴琴日置醇酒文而無害嚴而不殘
故能出人於阡危之域躋俗於仁壽之地是以
賈誼言天下之有惡吏之罪也頃深汰珪符妙

簡銅墨而春雉未馴秋螟不散入在朕前湊其
智略出連城守闕爾無聞豈薪樵之道未弘爲
網羅之目尚簡悉意正辭無侵執事又問朕聞
上智利民不述於禮大賢疆國罔圖惟舊豈非
療飢不期於鼎食拯溺無待於規行是以三王
異道而共昌五霸殊風而並烈今農戰不脩文
儒是競弃本徇末厥弊滋多昔宋臣以禮樂爲
殘賊漢主比文章於鄭衛豈欲非聖無法將以
旣逝而權今欲專士女於耕桑習鄉閭以弓騎

五都復而事庠序四民富而歸文學其道奚若
爾無面從又問自晉氏不綱關河蕩析宋人失
馭泝汴崩離朕思念舊民永言攸濟故選將開
邊勞來安集加以納款通和布德脩禮歌皇華
而遣使賦膏雨而懷賓所以關洛動南望之懷
獯夷遽北歸之念夫危葉畏風驚禽易落無待
干戈仰用辭辯片言而求三輔一說而定五州
斯路何階人誰或可進謀誦志以沃朕心

天監二年策秀才文三首

任彥升

問秀才朕長驅樊鄧直指商郊因藉時來乘此
歷運當衰永念猶懷慙德何者百王之敝齊季
斯甚衣冠禮樂埽地無餘彫斲方經綸草昧
採三王之禮冠履粗分因六代之樂宮判始辨
而百度草創倉廩未實若終畝不稅則國用靡
資百姓不足則惻隱深慮每時入芻橐歲課出
租愀然疚懷如憐赤子今欲使朕無滿堂之念
民有家給之饒漸登九年之蓄稍去關市之賦

予大夫當此三道利用賓王斯理何從佇聞良
說問朕本自諸生弱齡有志閉戶自精開卷獨
得九流七略頗嘗觀覽六藝百家庶非牆面雖
一日萬機早朝晏罷聽覽之暇三餘靡失上之
化下草偃風從惟此虛寡弗能動俗昔紫衣賤
服猶化齊風長纓鄙好且變鄒俗雖德慙往賢
崇優前事且夫措紳道行祿利然也朕傾心駿
骨非懼真龍輜輶青紫如拾地芥而惰游廢業
十室而九鳴鳥蔑聞予衿不作弘獎之路斯既

然矣猶其寂寞應有良規問朕立諫鼓設謗木
在茲三年矣比雖輻湊闕下多非政要日伏青
蒲罕能切直將齊季多諱風流遂往將謂朕空
然慕古虛受弗弘然自君臨萬寓介在民上何
嘗以一言失旨轉徙朔方睚眦有遺論輸左校
使直臣杜口忠讜路絕將恐弘長之道別有未
周悉意以陳極言無隱

文選卷第三十六

音釋

𠂔

古犬反
田隴也

𠂔

音于赤
色也

纒

舉而又
錢貫也

𠂔


音由
積也

𠂔

五懈
反

𠂔

什懈
反



Blank page with vertical ruling lines, typical of a ledger or account book. The page is otherwise empty of text.

